



---

**PEKELILING PENTADBIRAN**  
**BILANGAN 8 TAHUN 2021**

---

**PEMBERIAN BANTUAN KHAS KEWANGAN**  
**TAHUN 2021**  
**UNIVERSITI TEKNIKAL MALAYSIA MELAKA**

Pejabat Pendaftar

**18 Januari 2021 | 5 Jamadilakhir 1442H**

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasilitas)

Pegawai-Pegawai Kanan

YDP Majlis Perwakilan Pelajar

# UNIVERSITI TEKNIKAL MALAYSIA MELAKA

UTEM100-1/3/1(37)

18 JANUARI 2021  
5 JAMADILAKHIR 1442H

## PEKELILING PENTADBIRAN BIL. 8/2021

### **PEMBERIAN BANTUAN KHAS KEWANGAN TAHUN 2021 UNIVERSITI TEKNIKAL MALAYSIA MELAKA**

#### **1.0 TUJUAN**

Pekeliling Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pemakaian dengan pindaan Surat Edaran JPA.800-3/2/1 (20) bertarikh 14 Disember 2020 Bantuan Khas Kewangan Tahun 2021 di Universiti Teknikal Malaysia Melaka.

#### **2.0 LATAR BELAKANG**

- 2.1 Melalui Surat Edaran JPA.800-3/2/1 (20) bertarikh 14 Disember 2020, Kerajaan telah membuat keputusan Bantuan Khas Kewangan Tahun 2021 (BKKT 2021) dibayar kepada pegawai Perkhidmatan Awam Persekutuan dalam Kumpulan Pengurusan dan Profesional serta Kumpulan Pelaksana Gred 56 dan ke bawah. Bayaran ini juga turut dipanjangkan kepada pesara Kerajaan yang menerima pencen dan veteran tidak berpencen.
- 2.2 Mesyuarat Khas Lembaga Pengarah Universiti yang bersidang pada 05 Januari 2021 telah bersetuju untuk menerima pakai Surat Edaran JPA.800-3/2/1 (20) bertarikh 14 Disember 2020 Bantuan Khas Kewangan Tahun 2021 dengan pindaan untuk dilaksanakan di UTeM.

#### **3.0 PELAKSANAAN**

Selaras dengan keputusan tersebut, kaedah pelaksanaan pembayaran Bantuan Khas Kewangan Tahun 2021 di UTeM adalah seperti berikut:

- 3.1 Bayaran layak diberikan kepada:

- i. staf Kumpulan Pengurusan dan Profesional serta Kumpulan Pelaksana Gred 56<sup>1</sup> dan ke bawah yang **masih berkhidmat pada 25 Januari 2021** sebanyak RM600.00;
  - ii. staf Kumpulan Pengurusan dan Profesional serta Kumpulan Pelaksana yang layak tersebut merupakan:-
    - a. staf lantikan tetap, sementara dan *Contract of Service*(CoS) <sup>2</sup>;
    - b. staf yang bercuti bergaji penuh;
    - c. staf yang bercuti separuh gaji;
    - d. staf yang bercuti tanpa gaji; dan
    - e. staf yang dipinjamkan termasuk ke agensi yang diasingkan pengurusan saraannya. Bantuan Khas Kewangan ini akan dibayar oleh agensi yang menerima peminjaman staf.
- 3.2 Pembayaran ini turut dipanjangkan kepada Pekerja Sambilan Harian (PSH) yang masih berkhidmat pada 25 Januari 2021 dengan syarat tempoh kontraknya telah berkuat kuasa sekurang-kurangnya 30 hari berturut-turut;
- 3.3 Pesara Kerajaan yang menerima pensen dan termasuk penerima pensen terbitan di bawah undang-undang pensen serta pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila opsyen umur persaraan pada atau sebelum 25 Januari 2021 akan dibayar RM300.00 oleh Jabatan Perkhidmatan Awam manakala bagi veteran berpencen dan tidak berpencen oleh Jabatan Hal Ehwal Veteran;
- 3.1 Pesara dan veteran seperti di para 3.3 yang dilantik semula secara CoS dan masih berkhidmat pada 25 Januari 2021 layak dibayar sebanyak RM600.00. Pembayaran sebanyak RM300.00 akan dibuat oleh Jabatan Perkhidmatan Awam/Jabatan Hal Ehwal Veteran dan bakinya sebanyak RM300.00 akan dibayar oleh jabatan di mana staf sedang berkhidmat (UTeM);

---

<sup>1</sup> Staf di Gred 56 atau setara. Tidak termasuk pegawai yang sedang memegang di Gred Utama/Khas.

<sup>2</sup> Bagi staf di bawah *Contract for Service*, surat edaran berasingan akan dikeluarkan oleh Kementerian Kewangan.



3.2 Pembayaran ini **tidak layak** diberikan kepada:

- i. staf dalam Kumpulan Pengurusan Tertinggi dan setaraf termasuk pegawai yang memangku, dipinjam/tukar sementara dan penempatan khas ke Gred Jawatan Utama/Gred Khas;
- ii. staf yang dikenakan hukuman tatatertib dalam tempoh 01 Januari 2021 hingga 25 Januari 2021;
- iii. staf yang ditamatkan perkhidmatan demi kepentingan awam dalam tempoh 01 Januari 2021 hingga 25 Januari 2021;
- iv. staf yang meletak jawatan dalam tempoh 01 Januari 2021 hingga 25 Januari 2021; dan
- v. staf berpencen yang melepaskan hak pencen kerana menyertai Badan Berkanun Yang Diasingkan Saraan;

3.3 Staf yang ditahan kerja, digantung kerja atau surat pertuduhan telah dikeluarkan oleh Jawatankuasa Tatatertib UTeM ditangguhkan pemberian Bantuan Khas Kewangan Tahun 2021 ini. Staf hanya layak diberi Bantuan Khas Kewangan Tahun 2021 sekiranya Jawatankuasa Tatatertib UTeM mendapati staf tersebut tidak bersalah;

3.4 Staf yang meninggal dunia pada 25 Januari 2021 layak diberi Bantuan Khas Kewangan Tahun 2021 sebanyak RM600.00; dan

3.5 Bantuan Khas Kewangan Tahun 2021 ini akan dibayar pada 25 Januari 2021 dan menjadi tanggungan jabatan di mana staf berkhidmat pada tarikh pembayaran.

#### 4.0 **TARIKH PEMBAYARAN**

BKKT 2021 ini akan dibayar pada **25 Januari 2021**.

#### 5.0 **TARIKH KUAT KUASA**

Pekeliling Pentadbiran ini berkuat kuasa mulai tarikh ia dikeluarkan.

Sekian, terima kasih.

**“BERKHIDMAT UNTUK NEGARA”**

**“KOMPETENSI TERAS KEGEMILANGAN”**

Saya yang menjalankan amanah,



**MASDZARIF BIN MAHAT**

Ketua Pegawai Operasi

Universiti Teknikal Malaysia Melaka

sya/murnibsm/snd/bgpo